

Sjávarútvegs- og landbúnaðarráðherra og fjármálaráðherra f.h. ríkisstjórnar Íslands og Bændasamtök Íslands hafa með vísan til 30. gr. laga nr. 99/1993 um framleiðslu, verðlagningu og sölu á búvörum, með síðari breytingum, og grein 7.3. í samningi um starfsskilyrði framleiðenda garðyrkjufurða frá 12. mars 2002, orðið sammála um eftirfarandi:

BREYTINGU

á samningi um starfsskilyrði framleiðenda garðyrkjufurða frá 12. mars 2002.

Árleg framlög samkvæmt 2. og 5. gr. samningsins fyrir árin 2009 til 2011 verða sem hér segir, sbr. V-lið ákvæðis til bráðabirgða í lögum nr. 99/1993, sbr. 2. gr. laga nr. 173/2008.

2009: 251,7 m.kr.

2010: Framlag hækkar um 2% frá árinu 2009 og verður 257,0 m.kr.

2011: Framlag hækkar um 2% frá árinu 2010 en auk þess bætist við helmingur af því sem upp á vantar að upphæðin sé samkvæmt 2. og 5. grein samnings. Þó skal hækkan milli áranna í heild ekki vera meiri en 5%.

Samningsaðilar eru sammála um að framlengja samning þennan um 2 ár eða til ársloka 2013. Fjárhæðir árin 2012 og 2013, sem greiddar verða skulu taka sömu breytingum, hvort ár um sig, frá fjárhæð ársins 2011 og vísalala neysluverðs breytist á sama tímabili miðað við vísitölu neysluverðs eins og hún verður að meðaltali á árinu 2011. Ákvæði 3 ml. greinar 7.2. um 2,5% hagræðingarkröfu fellur brott.

Verði samkomulag með samningsaðilum er þeim heimilt að ákvarða tilfærslu fjárhæða milli einstakra liða í 2. og 5. grein samningsins.

Í stað orðanna „31. desember 2011“ í grein 7.1. kemur „31. desember 2013“.

Reykjavík, 22. júlí 2009.

F.h. ríkisstjórnar Íslands

Jón Bjarnason

sjávarútvegs- og landbúnaðarráðherra

Steingrímur J. Sigfússon
fjármálaráðherra

F.h. Bændasamtaka Íslands

Haraldur Benediktsson

F.h. Sambands garðyrkjubænda

Pórhallur Bjarnason

Af hálfu ríkisstjórnarinnar er samningur þessi undirritaður með fyrirvara um nauðsynlegar lagabreytingar.